



Randi Vestergaard Evaldsen
Inatsisartuni ilaasortaq, Demokraatit

§ 37 naapertorlugu apeqqutitut akissutit – ilinniarfinnik nuussinissaq pillugu

10-05-2017
Sagsnr. 2017 - 8655
Dok. nr. 5221407

Asasara Randi Vestergaard Evaldsen

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Qujanaq apeqqutigisannut, Inatsisartut suleriaasiat naapertorlugu saqqummiussannut, Apeqqutitut matumuuna akissuteqarfigissavakka.

Apeqqut 1: Naalakkersuisut aalajangivissimanerlugu inunnik isumaginninnermut siunnersortinngorniat ilinniarfiat Ilulissanut nuunneqassasoq, Eqqumiitsuliornermut ilinniarfik Aasiannut, KTI Sisimiunut kiisalu Niuernermut Ilinniarfik NI Qaqortumut?

Akissut: Naalakkersuisut aalajangerpaat ilinniakkat/ ilinniarfeqarfiit aalajangersimasut arlallit Nuummiit illoqarfinnut allanut nuunneqarnissaat anguniassallugu. Ilinniarfiit makku pineqarput:

- Saviminilerinermik Ilinniarfik Sisimiunut
- Niuernermik Ilinniarfik (NINUUK) Qaqortumut
- Isumaginninnermut siunnersortitut ilinniagaq Ilulissanut
- Eqqumiitsuliornermik Ilinniarfik Aasiannut

Aalajangernermit tunngavissap tunngavilersorluarneqarnissaa qulakkeerniarlugu inaarutaasumik aalangiinnginnerminni Naalakkersuisut aalajangerpaat ilinniarfeqarfinnik taakkunannga sisamanik nuussinerup kinguneqaatissai sukumiisumik ersersinneqassasut. Misissueqqissaarnermi pissutsit makku ilaatigut ilanngunneqassapput:

- Nuussinermi aningaasartuutit, sanaartornissamut pisariaqartitsineq aamma ingerlatsinermi aningaasaqarneq
- Ilinniartussarsiornermut kiisalu ilinniartut ineqarfiinik pisariaqartitsinermut sunniutissat
- Sulianut tunngatillugu avatangiisit ilinniartitsisunillu atorfinitsitsiniarneq

Misissueqqissaarnerit septembarimi naammassineqassasut naatsorsuutigineqarpoq. Taamaasilluni 2018-imut aningaasanut inatsisissatut

siunnersuutip suliarineqarnerani, 2018-imut aningaasanut inatsimmi nussuinissamut pilersaarummi aningaasaliinissamut pisariaqartitsinerup ilanngunneqarnissaanut siunnersuummik saqqummiussinissaq Naalakkersuisut anguniarpaat.

Apeqquut 2: Nussuinissap aalajangiiffigineqarsimanera pillugu Naalakkersuisut Siulittaasuata kiisalu Inunnik Isumaginninnermut, Ilaqutariinnut, Naligiisitaanermut Inatsisinillu atuutsitsinnermut Naalakkersuisup assortuunnerannut suna pissutaava?

Akissut: Naalakkersuisut § 37 naapertorlugu apeqquteqaatini naalakkersuisuni ilaasortat ataasiakkaat naalakkersuisutut suliaasaqarfii pillugit apeqquteqaatit akineq ajorpaat. Naalakkersuisut aamma innersuussutigissavaat tusagassiuutitigut nalunaarut "Nunarput oqimaaqatigiiffiunerusoq".

Apeqquut 3: Naalakkersuisut ilinniarfinni sisamaasuni pineqartuni ilinniartitsisut ilinniartullu aperisimanerlugit nussuinissamut pilersaarutit qanoq isumaqarfigineraat?

Akissut: Naalakkersuisut ilinniarfinni sisamaasuni ilinniartitsisut aamma ilinniagaqartut aperinngilaat nuussisoqarsinnaanera pillugu pilersaarutit qanoq isumaqarfigineraat.

Apeqquut 4: Ilinniarfiit sisamaasut nussornissaat qanormita akeqassava? Tassunga ilanngullugu Naalakkersuisut peqquneqarput nussuinerup kingunissai isummerfigeqqullugit eqqarsaatigalugit kollegiat aamma ilinniarnermut atatillugu suliffiit sungiusarfissat naatsorsuutigineqartariaqarmat, ilinniarnermut atatillugu suliffiit sungiusarfissat amerlanerpaartaat Nuummiiginnassasut?

Akissut: Ilinniartitaanermut, Kultureqarnermut, Ilisimatusarnermut llageeqarnermullu Naalakkersuisoqarfik piffissami matumani nalilersuinerik suliaqarpoq, imaattunik imaqartussanik:

- Sanaartugassat pisariaqartitat aamma sanaartornernut aningaasartuutitut missingersuutit ilinniartitaanerni pisariaqartitanut illoqarfinni tiguisisussani, kiisalu sanaartugassanut pineqartunut piffissalersuinerit.
- Ilinniartitaanerni nuunneqarsinnaanernut pilersaarutit sunniutissaat immikkoortumi tassani pilersaarutitut ilinniartut ineqarfii eqqarsaatigalugit, tamatumani aamma sumi ilinniartunut ineqarfiliortoqassanersoq, kiisalu aamma nunamut tamarmut sanaartugassanut aningaasartuutit ilinniartut ineqarfiliorneranni annertuseriassanersut.
- Nuussinernut atatillugu ataasiartamik aningaasartuutit. Tassani aallaavigineqassapput BDO-p nalilersuineri.

- Ilinniartitaanernut qinnuteqartarnermut sunniutaasussatut ilimagisat. Tamatumani aamma annertusisumik, allannguuteqanngitsumik imaluunniit annikinnerulersumik ilinniartitaanerit pineqartut sunniuteqarfigineqassanersut. Tamatumunngalu ilaliullugu missiliuusionerqassapput ataavartumik ingerlatsinermut aningaasartuutitut nuussinikkut sunniutaasussat.

Nalilersuineramik suliat pingaarnertut naammassiniarneqarput maj-ip qiteqqunnerani. Sanaartugassanulli missingersuusiata pitsaassusilersukkat ilimanarluni aatsaat 2017-ip ukiaani naammassineqarsinnaassasut.

Apeqqu 5: Ilinniartitaanerit nussornerisa aallartinnissaat qaqugu pissasutut Naalakkersuisut eqqarsaatigaat?

Akissut: Siuliani pineqartumut pitsaassusilersukkamik nalilersuineq siusinnerpaamik 2017-ip ukiaani piareersimasinnaassaaq, taamaasillunilu nuussisinaanernut pilersaarut siusinnerpaamik tamatuma kingorna saqqummiunneqarsinnaalluni.

Apeqqu 6: Ilinniartitaanerit sisamat taakkorpiat Nuummiit nussornissaannut suliatigut suut tunngavilersuutaappat? Imaluunniit ilumoortoq unaaginnangila, politikikkut kissaatit taamaallaat nussuinermit tunngaviusut.

Akissut: Naalakkersuisut kissaatigaat nunatsinni aamma Nuup avataani inuusoqarlunilu, najugaqartoqarlunilu suliffeqartoqarsinnaassasoq. Nunami tamarmi ineriartortitsillutalu periarfissanik pilersitserusuppugut. Taamaattumik pisortani suliffeqarfiit ilai Nuummiinnatik nunatsinni illoqarfanni allaniinnissaat pillugu isuma tapersorsorparput.

Naatsorsuutigineqarpoq nuussisoqarsinnaanera avatangiisinik ilinniartitaanerni eqeersimaartumik nukittorsaasuussasoq. Ilisimasatigut avatangiisit pitsaanerpaat piumasaqarput annertussutsimik naammassinnissinnaassutsimillu, tamakkiisumik iluaqutissarsisinnaajumalluni. Tamannalu atuutissaaq ilinniartitaanerni assigiinngitsunik qaffasissuseqartuni, ilisimasatigut assigiimmik inissimasuni. Ilinniartitaanerit katersornerisigut, pilersinneqarsinnaapput avatangiisit ilisimasaqarfiusut, isumasioqatigiinnissamat isumassarsioqatigiinnissamullu ajornannginnerusunik periarfissaqartitsisut, ilinniartitaanerillu assigiinngitsut akimorlugit ilisimasanik avitsiviusinnaasut. Tamannalu atuuppoq EUD-mi, GUX-imi imaluunniit ilisimatusarfimmi ingerlatsinerni, ilinniartitsisusunut aamma ilinniagaqartunut.

Ilisimasatigut imminut tunniussueqatigiinnerup ilisimasassanik tunngavissaqarneq nukittorsarsinnaavaa aammalu inuusuttunut ilinniartitaanerit, ingerlaqqiffiusumik ilinniartitaanerit aamma ilisimatusarneq imminnut attavilersorsinnaallugit, imminut nukittorsartunngortillugit. Ilisimasatigut nukittuunik avatangiiseqarnerup aamma oqinnerulersissavaa

ilinniartitsisussanik sulisussarsiortarneq, eqqorluinnartunik ilisimasatigut
piginnaaneqartunik, ineriartortitsinissamullu annerusunik tunngavissiilluni.

Inussiarnersumik inuulluaqqusilluta
Med venlig hilsen

Doris Jakobsen